



Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

Paraphrasis Epistolæ B. Pauli ad Coloss. I.

[urn:nbn:de:hbz:466:1-47044](https://nbn-resolving.de/urn:nbn:de:hbz:466:1-47044)

rit, Casari, &c. Reddite diabolo mundo & carni, quæ illis iure debentur, & quæ anima meruit. Reddite mundo honores, opes & reliqua, quæ secum anima nō potest ferre, vana atq; caduca omnia. Reddite carni vermes, corruptionem & putredinem. Reddite diabolo animam, quæ illi se sponte in vita mancipauit, tormentis affligendam. In hac diuisione videre, quam flebilis sit Christus qui animam creauit, animam insigniuit, animam suo sanguine lauit & redemit, nihil recipere, gratisque pro anima laborera & sudore, vulnera & sanguinis effusionem pertulisse. Beata hæc anima, quæ Dei imaginem aut impollutam, aut saltem in pœnitentia iterum mūdatam offert Christo. Quod ut vobis filii contingat, nunc dum vivitis, hoc curate, nunc flebitis contritionis animas vestras lauate, nunc quæ spiritus sanctus vobis suggestus, illius manu superfcibite, ut cùm ad mortem ostensuri animam veneritis, Deus suam agnoscat imaginem, laudet superscriptionem, vosq; & pro labore, & pro custodia coronet Iesus Christus Dominus noster benedictus in secula, Amen.

DOMINICA XXIIII. POST DOMINICAM
S. Trinitatis, Epistola B. Pauli Apostoli ad
Colossenses I.

NON cessamus pro vobis orantes & postulantes, ut impleamini agnitione voluntatis eius, in omni sapientia & intellectu spirituali, ut ambuletis dignè Deo per omnia placentes, in omni opere bono fructificantes, & crescentes in scientia Dei, in omni virtute confortati secundum potentiam claritatis eius, in omni patientia & longanimitate cum gaudio gratias agentes Deo Patri, qui dignos nos fecit in partem sortis sanctorum in lumine: qui eripuit nos de potestate tenebrarum, & translitus in regnum filij dilectionis sue, in quo habemus remissionem per sanguinem eius, remissionem peccatorum. In CHRISTO IESV Domino nostro.

PARAPHRASIS IN EANDEM EPISTOLAM.

Paulus Apostolus Colossensibus scribit, quibus non ipse per seipsum, sed per suos discipulos prædicauerat. Et quia horum dilectionem erga se audierat: Ex die, inquit, illa, qua per Epaphram audiuiimus dilectionem vestram erga nos, non cessamus orare & quadam importuna fiducia à Deo postulare pro vobis, ut impleamini agnitione voluntatis Dei, hoc est, ut diuinitorus illustreremini ad cognoscendum quid velit Deus, quidve ille placeat aut displiceat in omni sapientia diuinarum atque cælestium rerum, & in intellectu spirituali sacrarum scripturarum, ut non solum quomodo ambulandum sit agnoscatis, sed ambuletis etiam dignè Deo, ut vita & conuersatio vestra deceat Deum, Deoquæ digna sit, cui in omnibus placetis, & fructum proferatis in omni opere bono, crescetis in scientia Dei, qua illum, & quid de eodem sentiri debeat agnoicatis, indiesquæ cognoscere satagatis. Oro itaque, ut sitis confortati in omni virtute secundum poten-

potentiam claritatis eius, hoc est qua potest vos Deus confortare, sua claritate illuminando vos: Si enim sol crescere & germinare facit, quanto magis claritas Dei eos qui lucem illius non fugiunt, sed diligunt ad lucemque accedunt, illustrans confortabit secundum potentiam claritatis suę, in omni patientia & longanimitate, ne sitis inter aduersa tristes, sed cum gudio gratias semper agatis Deo Patri, qui sua gratia nos dignos fecit, transire in partem fortis sanctorum, id est, in partem **eternæ hereditatis**, quæ est in lumine, hoc est, in beatissima Dei visione. Qui eripuit nos de potestate tenebrarum, malignorum scilicet spirituum, quibus antequam ad Christum sumus conuersi, seruiebamus, ipsique dominabantur nobis. Itaque eripuit nos, & transstulit nos in regnum filij dilectionis suę, hoc est, in Ecclesiam militantem, quæ est regnum Iesu Christi Filii Dei, in numerum fidelium, & in societatem membrorum corporis Ecclesie Christi, quo ex nobis fit omnibus unum regnum Christi, in quo per fidem & charitatem regnet in nobis Deus. In quo Christo habemus redemptionem à seruitute diaboli ac viatorum, & remissionem peccatorum.

**EXEGESIS EVANGELII EIUSDEM DOMINI
ca XXIIII. post Dominicam S. Trinitatis, Mat-**

thei nono.

Loquente Iesu ad populum, verius tamen, hoc est, potissimum ad discipulos Ioannis, qui illum quare non ieunarent eius discipuli, interrogauerant, atque excusationem pro eisdem Christo reddente, accessit vir quidam clarus, & humilis. Erat enim princeps synagogæ. Quamuis enim Hierosolymis templum haberent Iudei, in portioribus tamen ciuitatibus nihilominus habuerunt domum, in quam conueniebant, ut Deum laudarent, utq[ue] docerentur legem. Cuius princeps is qui praecorat, archisynagogus dicebatur, aut princeps synagogæ. Huiusmodi hic erat princeps, qui pro filia sua vehementer ægrotava, & iam in extremis constituta, adeoque de vita illius desperata, ut diceretur mortua, rogabat. Hic quamvis imperfetus adhuc esset in fide, meruit tamen humilitate sua, ut illi quæ postulabat, praestaret Christus. Siquidem ad pedes Iesu procidens, rogabat illum. Erat autem, ut ex alio Euangelista liquet illius nomen Iairus. Narratur itaque hic suscitatio pueræ mortuæ. Nam dum iret, & in itinere adhuc esset constitutus Dominus, interposuit se occasio alterius miraculi in muliere fluxum sanguinis patiente. In cuius narratione apud quosdam finitur Euangelium: licet alij continuent, ut finem de suscitate pueræ quoque narrant. Itaque ait Euangelista:

Loquente Iesu ad turbas, ecce princeps unus accessit, & adorabat eum dicens: Domine, filia mea modo defuncta est: sed veni & impone manum tuam super eam, & viuet.

Alius Euangelista hoc narrans miraculum, dicit Iairum rogasse: Filia mea in extremis est. Sed non est contradic̄to. Potuit enim fieri, ut vtrumque diceret: Filia mea in extremis est, adeo ut ipsam putem iam defunctā, quæ erat quasi defuncta? Abies enim, illā adeo reliqui infirmiam, ut non putaretur

Lucas 8.

Matei 5.

Y Y YY 2

taretur